



Broj: T18 0 KT 0017643 24
Brčko, 21.11.2024. godine

Na osnovu člana 35 stav (2) tačka ž) i člana 226 stav (1) Zakona o krivičnom postupku Brčko distrikta Bosne i Hercegovine podižem:

О П Т У Ж Н И Ц У

Protiv:

S. C

Što je:

Dana 09.04.2024. godine, oko 21:35 sati, na dijelu regionalnog puta R 458 Brčko-Čelić, u naseljenom mjestu Potočari, upravljajući putničkim motornim vozilom marke "Reno Megan" registarskih oznaka ..., krećući se iz pravca Čelića prema Brčkom, postupio suprotno članu 36 stav (1) Zakona o osnovama bezbjednosti saobraćaja na putevima u Bosni i Hercegovini, svjestan da radnju skretanja smije započeti samo ako se prethodno uvjerio da to može učiniti bez opasnosti za druge učesnike u saobraćaju, te da suprotnim postupanjem ugrožava javni saobraćaj, iako je mogao da uoči motocikl koji se kretao iz suprotnog smjera, procijeni njegovu brzinu i odloži radnju skretanja ulijevo, olako držeći da do saobraćajne nesreće neće doći, ipak započeo radnju skretanja ulijevo prema ulici S. C., u momentu kada se iz suprotnog smjera kretao B. M. i M. M. na motociklu marke „Suzuki“ registarskih oznaka ..., kojom prilikom je došlo do udara motocikla u prednja desna vrata putničkog motornog vozila marke „Reno Megan“, kojom prilikom je vozač motocikla marke „Suzuki“ B. M. zadobio teške tjelesne povrede u vidu preloma obje podlaktice i preloma gornjeg i donjeg nastavka lijeve pubične kosti, te zadobio lake tjelesne povrede u vidu višestruke povrede tijela i nagnječenja i oguljotine kože desnog koljena, dok je M. M. tom prilikom zadobila tešku tjelesnu povredu u vidu preloma donjeg okrajka lisne kosti u lijevom skočnom zglobu, te više lakih tjelesnih povreda u vidu nagnječenja grudnog koša, regije slabinske kičme i lijevog kuka, nagnječenje desnog koljena sa oguljotinom kože, nagnječenje tijela i nagnječenje desnog lakta i regije lijevog skočnog zgloba sa oguljotinom kože,

dakle, kao učesnik u saobraćaju na putevima nije se pridržavao saobraćajnih propisa iz nehata ugrozio javni saobraćaj i doveo u opasnost život ljudi zbog čega je kod drugoga nastupila teška tjelesna povreda,

čime je učinio krivično djelo –Ugrožavanje javnog saobraćaja– iz člana 326 stav (3) u vezi sa stavom (1) Krivičnog zakona Brčko distrikta Bosne i Hercegovine.

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.